

京師坊巷志

六

京師坊巷志

考正

鐵良題



南林劉氏求恕齋刊

上海古籍  
書店重印

京師坊巷志考正

吳興劉承幹撰

朱蓉生侍御與繆藝風參議所纂京師坊巷志余旣爲之校訂付梓矣惟志坊巷者其體例當如明人坊巷衞衙集及近人唐兩京坊巷考以坊隸巷以巷隸寺觀居宅方爲名稱其實抑或依宸垣識略例分爲內城東西外城東西亦自直截今止第一卷有中西坊中東坊之分二卷以後則全無坊名是名爲坊巷志而自相違戾矣觀其用意固欲以五城分京師其例本之曰下舊聞非無依據但舊聞係沿明之舊自順治以後內城分八

旗外城分五城顯然不同故宸垣識略實用此體最爲  
適宜今內城五城界址久湮坊官所列城冊東西易位  
者有之前後重複者有之不足援爲典要因條舉謬誤  
重加釐訂以附於後云

卷一

東華門外南長街

南河沿 燕史河上有湧福閣俗所謂騎馬河也原  
作湧福宮舊名澄輝閣俗云騎河樓也此蓋沿俗本  
之誤

菖蒲河 則御作也原文作御前作

東河沿 再北有亭居橋上以酌中志考之此亭不在橋上此亦沿舊聞之誤

南箭亭 每屆八旗鄉會試 欽派王大臣於此閱視騎射此漏載

緞匹庫 蕪史洪慶宮原文作洪慶殿再東原作東南

又舊聞考小南城下漏地字

瑪噶喇廟 按卽普度之譯文非有二名也碑文可證

又舊聞考原文作廟東無緞匹庫庫神五字

東安門大街 武英親王府考宗室王公表但作英親王無武字本傳亦無之王以罪廢亦無諡

又光祿司下案語謂查浦詩非詠光祿寺之酒房謂藤陰雜記係於光祿寺者爲誤不知紫禁滄洲扁在光祿寺一也張元易於光祿寺種竹非種於大內二也光祿寺酒房名長春房采四時花釀酒三也光祿寺酒房凡七層四也查浦詩蓋偶誤記長連短連爲光祿寺事耳不得云載之光祿寺者爲誤且長連短連在神武門內非查浦之所能至也

東華門外北長街

騎河樓

左文襄

宗棠

居南池子按文襄居在南池

子北口當移前南長街下不應在此

煖閣廠衙衙

冥器廠冥字原作明

馬神廟

一等忠勇公傳文忠

恒

第在馬神廟此府

於光緒中改大學堂此漏書

東黃瓦門

舊聞考其碑文原作寺碑文

內府庫

此地今呼供用庫無內府庫之稱

織染局衙衙

蕪史絹匹原文匹作帛

巾帽局衙衙

明職官志內史原作使又靴下原有

帶字

火藥局衙衙 鑲黃旗侍衛場當作教場

南月偃 土人實名月牙兒衙衙改爲月偃則失其真

西華門外南長街 蕪史原文作稍西曰石作曰圓明閣又西曰乾明門門裏迤南曰兵仗局此誤

南花園 蕪史其置置原作衙門又石灰瀘渣原作瀘出石灰草渣

油漆作 明漆作本名油漆作天啟中因避諱改見酌中志

又雪池冰窖爲內冰窖當屬御用監九門冰窖爲外

冰窖當屬內官監舊聞考並不誤也此卻誤

織女橋 蕪史鈔錄膳授原作鈔膳授受

西華門外北長街 以地之準望論則當先及福佑寺  
昭顯廟後及內務府各署而後及 承光殿蓋至承  
光殿已爲北長街之極北而抵禁城西北角樓矣此  
處次序未明

又湧幢之所謂石骨者疑是南京西華門北京大街  
曷常有石若南京則誠有之矣

按敘承光殿金鰲玉螭橋旣畢出西三座門當首及  
小馬圈酒醋局羊房夾道一路今忽捨街北而首及

街南且此皆西安門大街之支巷則更當先及西安門內大街然後先北後南令觀者醒目今南路則由東而及西北路則由西而及東幾疑爲兩條街遂令閱者眼花目眩如入迷樓矣宜改正

東西翰林街

蠶池口 天主堂今移西十庫此漏書又蕪史門旁東原作門之東

拜斗殿 夢餘錄壽明殿壽明門此沿舊聞之誤本書則作壽明洞也

餽餽房 有內務府營造司所屬餽餽房按餽餽房

卽明代之甜食房當屬茶膳房不屬營造司營造司專司繕修大內各工及薪炭耳

炭廠 蕪史五石一斗原作五斗

惜薪司衙衙 蕪史內宮柴炭原作臣誤爲宮

西安門大街 此所敘乃由西安門大街街北一路由西而東如是則不宜先及金鰲玉蝀橋及福華門小馬圈等處乃旣及此而下忽又從鴿子房西十庫敘起則忽東忽西方向莫辨此由作者未親至此處但憑坊冊地圖耳宜改

西十庫衙衙 光緒初以西十庫地給法國教堂以

易蠶池口地因 慈禧太后移居西苑蠶池口地偏  
苑外俯臨不便謀令徙之總署計窮時副都統恩佑  
與法主教樊國樑稔自稱能任其事乃以西十庫地  
易之地既倍於初而十庫久頽及法人發地大有所  
獲始知庫雖頽物固在也然不可追矣恩竟以此蒙  
優賚焉

劉鑾塑 天慶宮內塑三官及天師像見於鴻雪因  
緣記中而其東配殿中文昌像傍二配像尤妙絕俗  
稱天聾地啞者天聾作側耳勢地啞則兩目上視作  
不能言之狀其用意非後人所能及惜庚子之亂折

毀盡矣

經板庫 引燕都游覽志云云今藏書家所謂明內  
府板者卽此庫之板也

羊房夾道 俗又有云當作養鳳者因明孝穆皇后  
曾居以養病也

又蕪史羊城原作羊房

小馬圈 蕪史金海二字原作玉河

又小馬圈內內府巨室多居此光緒中 孝欽太后  
開拓北海遂折其屋收入苑中

旃檀寺後 按旃檀寺後地名五龍亭居人多內務

府巨室庚子之變吉林將軍延茂舉室自焚左右鄰  
自焚者極多此漏載

教場 此校場爲上三旂侍衛校場八旂鄉會試前  
本旗都統於此試騎射

又野獲編張居正請穆宗習射此條今本野獲編無  
之考穆宗亦無內教場習射事未知所本

地安門西夾道

大小石作 樂部在陟山門之南非迤北也又蕪史  
有閣二字原作曰圓明閣

冰窖 蕪史搭材作下漏去工字又明宮史作東行

西行酌中志作東作西作未知孰是

又此冰窖今尙名雪池冰窖冰之最上者入此其冰皆取之玉泉山及御河以供大內用冰九門冰窖以頒百官本朝歸工部管理若內官監所屬者當是九門冰窖謂之外冰窖御用監所屬則雪池冰窖爲內冰窖此未分晰

魏家衚衕 蕪史原作萬法殿等處此誤作等殿狗鷹衕衕 此地今有高臥衕衕或卽狗鷹所改又此地仍有官房租庫其衕衕內名

三座廂 三座廂又名三炷香衕衕

內宮監衛衛 按其地有素雲觀此漏

卷二

棋盤街 棋盤街兩廊舊日皆賣花翎及鞍鞢雨衣者  
東廊下桂林軒香雪堂脂粉最有名庚子後東廊地  
入租界廊遂拆去西廊依舊

正陽門內東城根 有大學士朱文端鳳標第此漏載

戶部街 富貴街以其北爲吏部南爲戶部而名內  
倉南爲工部木倉戶部門口羊肉肆五香醬羊肉名  
天下其煮肉湯已二百年不易庚子之亂湯敗始易  
之肉味遂不及前